



Háteigur



15. árgangur 8. tbl.

30. september 2011

Starfsdagur 3. október og foreldraviðtöl 11. október

<http://hateigsskoli.is>

Frá skólastjóra

Ágætu lesendur

Enn velti ég því fyrir mér hvort að við séum að gera rétt með því að gefa Háteig út með rafrænum hætti. Við ræddum breytingar á útgáfu Háteigs á kynningarfundunum og langflestir foreldrar töldu breytinguna í góðu lagi. Nokkrir óska eftir pappírsútgáfu vegna þess að þeir nota tölvu lítið og einhverjir vegna þess að þeim finnst mikilvægt að lesa bréfið með börnunum. Við munum gera könnun á lestri í janúar til að reyna að átta okkur á því hvernig þetta gengur.

Fyrir hönd okkar stjórnenda þakka ég fyrir góðar umræður á kynningarfundunum. Eitt sjónarmið kom fram á fundunum sem mikilvægt er fyrir okkur öll að hugleiða nánar. Í einum árgangi taldi þorri foreldra það óeðlilegt að leyfa íþróttafélögum að kynna hvað er í boði hjá þeim inni í bekkjum. Þeim fannst ekki rétt að beina slíkri kynningu að börnunum þar sem foreldrar eiga að bera ábyrgð á þeim viðfangsefnum sem þeim finnst rétt að bjóða börnum sínum. Við höfum í gegnum árin leyft fulltrúum Vals að koma í heimsókn í bekkina, fulltrúum frá Háteigskirkju, fulltrúum frá skátunum og við höfum leyft fulltrúum Gideonsfélagsins að koma í 5. bekk og gefa Nýja testamentið. Nú er ljóst að við megum ekki leyfa Gideonsmönnum að afhenda Nýja testamentið. Varðandi aðrar kynningar þá er það svo að ef við vildum senda upplýsingar með tölvupósti um íþrótt-, kirkju- eða annað félagsstarf úr grenndarsamfélaginu þá getum við það ekki af því að við megum ekki senda í gegnum Mentorkerfið. Við höfum hins vegar heimild til að setja slíkar upplýsingar á heimasíðu skólans þar sem þær eru aðgengilegar fyrir foreldra. Tímarnir eru að breytast og við þurfum að breytast með. Ég verð að viðurkenna að mér finnst afstaða foreldranna sem áður var getið eðlileg enda bera foreldrar ábyrgð á börnum sínum. Ég þakka foreldrum fyrir góða mætingu á kynningardagana en mætingin hefur aukist ár frá ári.

Í gær fengu skólastjórnendur kynningu á niðurstöðum í rannsókninni á högum og líðan nemenda í 5. til 7. bekkjum vorið 2011 fyrir allt landið. Niðurstöðurnar eru

áhugaverðar vegna þess að almennt líður börnum betur nú en síðast þegar könnunin var gerð árið 2007. Það virðist benda til þess að samfélag barna hafi batnað eftir hrún og er það mjög athyglisvert. Þegar frekari niðurstöður koma í hús á ég sjálfsagt eftir að orða þær og reyna að draga af þeim ályktanir. 80% barnanna á þessu aldursbili segja að öll fjölskyldan tali saman en um 20% segja að það gerist sjaldan eða aldrei. Um 94% segjast ekki stríða einum nemanda með hópi. Hlutfall nemenda sem finnst námið skemmtilegt lækkar með aldri. Meira um niðurstöðurnar síðar en upplýsingarnar eru jákvæðar og segja okkur að minnsta kosti að heimur barna á Íslandi í 5. til 7. bekk fer batnandi.

Með mildri og litríkri haustkveðju,
Ásgeir Beinteinsson, skólastjóri Háteigsskóla.

Starfsdagur og foreldraviðtöl

Mánudaginn 3. október verður starfsdagur í skólanum. Þann dag nota kennarar til undirbúnings foreldraviðtala sem verða 11. október. Nemendur 1. – 7. bekkjar fá send heim með sér undirbúningsblað sem þeir þurfa að skila í skólann ekki síðar en 7. október.

Árstíðir mínar

Ég gleðst við það að koma út í góða veðrið og finna góðu lyktina, lykt sem snertir hjörtu allra, lykt sem allir þrá, haustið.

Ég gleðst við að finna lykt, lykt sem stingur nísting í nef, lykt sem er svo köld en samt svo hlýleg, veturinn.

Ég gleðst við að finna lykt, lykt sem minnir mig á eitthvað, eitthvað svo tært og volgt, svo mikla graslykt, vorið.

Ég gleðst þegar ég finn lykt, lykt sem gefur frí, frí frá öllum áhyggjum, mér líður vel, það er sumar.

Viktor Sigurbjörnsson, 7. bekk

Ef ég væri tré

Ef ég væri tré þá myndi ég teygja mig upp í sólina. Sjúga næringuna úr moldinni. Leyfa kisunum að klifra í mér. Vaxa hratt og hátt upp í himininn. Þá myndi ég leyfa hundum að pissa á mig, ormum að gæla við rætur mínar, leyfa geitungunum að halda bú í mér og leyfa fuglunum að setjast á hendur mínar. Að lokum myndi ég sofa allan veturinn.

María Rún Benediktsdóttir, 3. bekk

Sumarminning

Ég fór á Apavatn og ég fór í sund og það var geðveik rennibraut.

Embla Marie Ragnarsdóttir, 2. bekk

Ef ég væri tré

Ef ég væri tré þá myndi ég dansa í sólinni því þá væri mér svo heitt. Ef ég væri tré þá gæti vaxið á mér pera ef ég væri perutré. Ef það væri vindur þá myndu greinarnar mínar hristast og gætu brotnað. Fuglarnir gætu komið og gert sér hreiður. Ég gæti farið í sturtu í rigningu. Þegar það er verið að kasta snjóbolta í mig þá meiði ég mig. Á haustin falla lafin af greinunum mínum. Ef ég væri tré þá myndi ég standa á sama stað. Tómas A. Erlingsson, 3. bekk

Skólapúlsinn

Nú hefur verið ákveðið að Háteigsskóli taki þátt í Skólapúlsinum í vetur. Skólapúlsinn er matstæki á vefnum fyrir nemendur í 6. – 10. bekk og gefur það skólum tækifæri á að skoða virkni og líðan nemenda í skólanum. Sífelld fleiri skólar taka þátt í þessu verkefni og verður fróðlegt að bera saman okkar niðurstöður við aðra skóla. Foreldrar munu fá kynningarbréf með nánari upplýsingum og geta þeir metið hvort þeir vilji leyfa sínu barni að taka þátt. Við munum samt halda áfram að kanna líðan nemenda í skólanum með okkar eigin könnun. Nánari upplýsingar eru á heimasíðu Skólapúlsins, www.skolapulsinn.is.

Sumarminning

Ég fór til afa og ömmu á Dalvík og fór í sund og að leika mér heima hjá afa og ömmu.

Bjarni Kristinsson, 2. bekk

Ef ég væri tré

Ef ég væri tré þá vildi ég vera tré í Keldudal. Þar er sumarbústaðurinn minn. Því afi fer svo vel með þau. Ég væri reynitré af því að þá koma fuglarnir og borða berin mín. Þá kitlar mér og þá hristi ég lafin. En ekki of mikið. Ég er 20 ára og er flottasta tréð í Keldudal. Það var gaman þegar tófurarnar komu. Þær kroppuðu í mig. Það var gott. Svo kom vetur, þá var kalt. Lafin breyttu sér í alls konar liti og berin byrjuðu að krumpast. Besti vinur minn er afi. Og ég bið alltaf eftir honum.

Elvar Orri Palash Arnarsson, 3. bekk

Sumarminning

Við vorum í Viðey og vorum að labba. Þá sagði Siggi: „Hei Hrafnkell,“ og ég leit við. Þá kitlaði Siggi mig. Siggi, Tommi og Máni tindu snigla á þara og ég fékk að halda á einum. Síðan fórum við í bát og keyrðum heim.

Hrafnkell Daði Vignisson, 2. bekk

Skák í 3. bekk

Skákakademía Reykjavíkur stendur fyrir skákkennslu hér í skólanum. Í 3. bekk er búið að festa skáktíma á stundatöflu og meðal annarra mun Björn Þorfinnsson, skákmeistari og fyrrum nemandi Æfingaskólans, kenna nemendum. Föstudaginn 16. september var fyrsti tími nemenda og voru þeir mjög áhugasamir. Það verður gaman að sjá árangurinn í vetur.

Ef ég væri tré

Ef ég væri tré, væri ég hávaxið og fallet tré. Ég vildi hafa mörg hreiður á mér og fallegan fuglasöng á hverjum degi.

Auður Makaya Mashinkila, 3. bekk

Samsöngur á sal

Í haust hefur foreldrum nemenda verið boðið að taka þátt í samsöng á sal á föstudagsmorgnum. Þátttaka hefur verið góð og hafa foreldrar tekið vel undir sönginn. Í dag, föstudaginn 30. september, verður foreldrum 3. bekkinga boðið að koma. Textar allra laganna eru á heimasíðu skólans.

Ef ég væri tré

Ef ég væri tré þá myndi ég ekki vilja fá bolta í mig. Ég myndi ekki vilja heldur láta rífa af mér greinarnar. Ef ég væri tré myndi ég búa til súrefni sem losnar út í loftið. Á trjá vaxa laufblöð og greinar en á mönnum vaxa hár og neglur. Ef ég væri tré gæti ég ekki spilað fótbolta, handbolta og körfubolta. Tré þola meira rok en menn og geta staðið lengur. Tré og menn þurfa bæði vatn til þess að lifa af.

Grímur Ingi Jakobsson, 3. bekk

Sumarminning

Í sumarfríinu fór ég í Vatnaskóg og í fjöru.

Matthildur María Pálsdóttir, 2. bekk

Saga af krókóðil

Einu sinni var krókóðill sem bjó í skítugu vatni í Afríku. Þegar dádýrin komu til þess að fá sér að drekka borðaði krókóðillinn þau næstum því.

Jakob Traustason, 2. bekk

Blómatöfrar

Í vikunni heimsótti okkur indverskur maður sem sýndi okkur hvernig hægt er að búa til alla vega blóm úr silkipappír. Blómin og blómalengjurnar sem hann tófraði fram, að því virtist á mjög einfaldan hátt, voru undurfalleg og líktist þetta göldrum. Börnin voru líka mjög hrifin og sýndu það á ósvikinn hátt.

Ef ég væri tré

Ef ég væri tré þá væri ég birkitré. Ég væri alltaf notaður fyrir stöng í fótbolta, ég myndi telja mörkin og hvað oft væri hitt í mig. Einn daginn kom köttur og settist á eina grein. Annan dag kom strákur og klífraði hátt upp í mig. En komst ekki niður. Þá kom pabbi hans og hjálpaði honum niður.

Agnar Már Músson, 3. bekk

Afmælið

Einu sinni var lítill stelpa. Hún átti afmæli. Hún var 8 ára. Hún hafði afmælið úti í sólinni.

Anna Karólína Ingadóttir, 2. bekk

Hundarnir Máni og Tinna

Máni kom í gær og Tinna fór að leika við hann. Þau hoppuðu og skoppuðu. Svo fór Máni heim og líka ég. Mig dreyndi í nótt að ég og Tinna værum að leika saman.

Una Lea Guðjónsdóttir, 2. bekk

Ef ég væri tré

Ef ég væri tré þá væri ég í garðinum hjá ömmu. Ég myndi vera grenitré af því að þau eru falleg. Ég sé hund og kött og gras. Ég sé líka hús og bíla og fólk. Mér finnst hundleiðinlegt að vera tré, mér er alltaf kalt.

Breki Atlason, 3. bekk

Sumarminning

Ég fór á fótboltamót og ég skoraði tvö mörk og við lentum í þriðja sæti. Húrra, húrra, húrra.

Finnur Darri Gíslason, 2. bekk



Spakmæli mánaðarins:
Sóaðu aldrei tíma né orðum.
Hvorugt verður aftur tekið.

